

Egl avegnir tut sut in tetg

Il Cuors romontsch sursilvan banduna Laax ed ha liug naven da l'auter onn a Glion

DA HANS HUONDER / ANR

■ Da rodund 20 dels ei la participaziun al Cuors romontsch sursilvan dalla Fundaziun Retoromana Pader Flurin Maissen carschida ils davos biebein 40 onns sin rodund 90. Quellas circumstanzias pretendan dils responsabels bien senn organisatori. Dapresent ha il cuors liug per la davosa ga a Laax. Naven da l'auter onn vegn el arranschaus ella claustra a Glion. 1969 ha pader Flurin Maissen lantschau il Cuors romontsch sursilvan a Rumein. «Ils emprems onns ein rodund 20 academichers separticipai a quel. Quei era gliud dils Stadis Uni dall'America ni da tiaras europeas», di *Francestg Friberg*. Paus onns avon ch'il cuors vegni dislocaus ella Casa Caltgera a Laax havevan ils responsabels aviert el era per buc academichers: «Ins haveva sentiu ch'ei drovi ina purschida da scolaziun e perfecziun era per persunas ch'eran secasadas en Surselva, pia che levan s'assimilar.» Il diember ei allura carschius sin rodund 40 ed ha pretendiu ina pli vasta infrastruttura. Quella han ils responsabels cattaun a Laax ella Casa Caltgera. Ils davos onns ei il diember da participontas e participonts carschius vinavon entochen sin bunamein 100 ed aschia eis ei stau necessari d'affittar stanzas da scolaziun era ordeifer la casa sco per exempel ella Casa Demont, la Sentupada ni era el CCM e la scoletta. Ella casa sezza stattan bein dabia stanzas a disposiziun, mo quellas ein buca concepidas explicitamein sco localitads da scolaziun.

Tschercau in niev liug

Quellas cundiziuns han pli u meins



Localitads dalla claustra a Glion surveschan egl avegnir al Cuors romontsch sursilvan dalla Fundaziun Retoromana Pader Flurin Maissen.

FOTO H. HUONDER

sfurzaus ils responsabels pil cuors da tschercau novas soluziuns. «Nus havevin viu ualti spert che Glion porscha las cundiziuns idealas. D'ina vart ei quei segiramein las localitads en claustra naven da combras da durmir, salas entochen stanzas da scolaziun, dall'autra vart la situaziun dil traffic da Glion. La claustra ei situada agl ur dil marcau, mo tonaton essan nus spert el marcau», di *Francestg Friberg*. Las stanzas da scola necessarias pil Cuors romontsch sursilvan vegnan messas a disposiziun dil Center da formaziun Surselva che

ha affittau quellas. Il meinafatschenta *Curdin Tuor* beneventa la soluziun: «Aschia savein nus occupar nossas stanzas era duront pliras jamnas la stad.» Igl entir menaschi da cuors, inclusiv las persunas d'instrucziun, cumpiglia biebein 100 persunas. *Francestg Friberg* puntuescha che motivs logistics hagian la fin finala menau alla decisiun da bandunar Laax: «La decisiun ei buca stada semplia.»

Glion – in liug central

La vischnauna da Glion beneventa

ch'il Cuors da romontsch sursilvan ha liug egl avegnir en claustra. «Nus lein promover il romontsch. Quel ei da gronda impurtonza per nosa vischnauna. 65 pertschien da tuttas vischnas e da tuts vischins plaidan regularme in romontsch», di il president communal *Aurelio Casanova*.

La vischnauna ha sincerau als responsabels dil cuors ina contribuziun annuala da 10 000 francs. Tonaton ei il cuors era dependents egl avegnir da sustegn finanziel dad autras varts. Tenor *Francestg Friberg* pon las contribu-

ziuns pagadas entras las participontas ed ils participonts buca cuvierer ils cuosts. Pusseivel ei quei suletamein cun sustegn per exempel dil cantun ni dad instituziuns e fundaziuns.

Malgrad la soluziun nova cun localitads ella claustra a Glion vegnan las participontas ed ils participonts buc a stuer pagar dapli egl avegnir.

Plascher ch'ils responsabels dil cuors ein sedecidi per la claustra da Glion ex-prima era sora *Madlen Büttler*: «Il romontsch ei era per nus d'impurtonza. Biaras da nus ein Romontschas.» La gievgia han las participontas ed ils participonts dil cuors d'uonn priu investa dallas localitads futuras a Glion.

Diesch levels

Il Cuors romontsch sursilvan ei in arranschament per in e scadin che s'interessescha per il lungatg romontsch e sia cultura. Cun ses diesch levels da cumpetenza, siu program accumpignont dalla sera, cun tut sias purschidas supplementaras e specialas representa el ina offerta multifara ed unica.

Pedagogas e pedagogs specialisai ella filologia instrueschan ils participonts. Al level 8B instrueschan ulteriuramein docents hospitonts cun prelecziuns e seminaris sin scalem universitar.

Il Cuors romontsch sursilvan ei era adattau per Romontschas e Romontschs che vulan perfecziunar lur lungatg mumma.


Plinavon eis el era adattau per scolaras e scolars che vulan sepreparar per examens d'admissiun, per exempel per scolas medias.

Il cuors 2014 ha entschiet la dumengia vargada e vegn terminaus venderdis proxim, ils 25 da fenadur cun la sera finala.

LA QUOTIDIANA

Editura: Samedia (Südschweiz Presse und Print AG)
Editur: Hanspeter Lebrument
CEO: Andrea Masüger
Schefredactor: Martin Cabalzar
Redacziun
Agentura da Novitads Rumantscha (ANR):
 Flurin Andry (fa), Augustin Beeli (abc), Gieri Antoni Caviezel (gac), Claudia Cadruvi (vi), Romana Duschletta (rd), Martina Fontana (mfo), Hans Huonder (hh), Susi Rothmund (sr), Gion Nutegn Stojer (gns), Giuseppe Venzin (gv).
Collavurators redacziunals:
 Andreas Cadonau (ac), Giuseppe Capaul (gc), Lucas Deplazes (ld).
Adressas redacziunals:
 La Quotidiana, Via comerciala 22, 7007 Cuira, tel. 081 920 07 10, fax 081 920 07 15, mail: redaktion-lq@suedostschweiz.ch
Agentura da Novitads Rumantscha (ANR)
 Via da Masans 2, 7000 Cuira, tel. 081 250 48 00, fax 081 250 48 03, mail: anr@spin.ch
 Surselva: tel. 081 936 47 00, fax 081 936 47 01, mail: surselva@anr.ch
 Engiadina: tel. 079 218 27 60, fax 081 856 11 59, mail: engiadina@anr.ch
 Surmeir: tel. 079 430 69 30, fax 081 684 32 82, mail: surmeir@anr.ch
 Sutselva: tel. 081 258 32 68, mail: sutselva@bluewin.ch
 Tgöls postal, 7432 Zirän
Editura Samedia,
 Via da la caserna 1, 7007 Cuira; tel. 081 255 50 50, fax 081 255 55 10, mail: verlag@samedia.ch
Servetsch d'abunents e da distribuziun:
 Samedia, via da la caserna 1, 7007 Cuira, tel. 0844 226 226, fax 018 255 51 10, mail: abo@samedia.ch
Inserats
Samedia Promotion,
 Via S. Clau Sura 11, 7130 Glion tel. 081 920 07 17, fax 081 920 07 18, mail: ilanzer.inserate@samedia.ch
 La Quotidiana cumpara tschingt giadas ad emna
Ediziun derasada: (Südschweiz cumplet) 81 786 exemplars (Indicaziun d'editeur)
Derasaziun: 164 000 lecturs (MACH-Basic 2014-1)

Pretschs d'abunaments sut:
 www.suedostschweiz.ch/aboservice
Comunicaziun da participaziun considerablas sin fundament da art. 322 CP:
 Südschweiz Radio AG, Südschweiz TV AG, Südschweiz Emotion AG, Südschweiz Pressevertrieb AG, Südschweiz Partner AG.
Dretgs d'editeur
 Igl è scumandà a terzas persunas betg autorisadas da reutilisar en ina moda u maniera ils inserats stampads en quest titel u parts da quels, surrut cun endatar els en in servetsch d'online. Mintga cuntravenziun vegn persecutada giudizialmain da la societad da propaganda, suenter avair consultà la editura.
 © Samedia



Impressiun digl Open Air Stussavgia digl onn vargau.

MAD

Cun Rambling Wheels e No Future

Questa fin d'jamna ha il 15avel Open Air Stussavgia liug

■ (anr) Questa sonda e dumengia unteschan las vaccas e las furmiclas en Stussavgia als visitaders digl open air. Quel sa buca mo vegnir organisaus en ina natira intacta, mobein porscha era bia buna musica, denter auter cun The Rambling Wheels e No Future. Gia per la 15avla ga ha igl Open Air Stussavgia liug egl uaul a Stussavgia-Rüti. Per biars amits dalla musica eis el ina part integrala ferma dil program da festivals dil Grischun. Enteifer dus dis sepresentan cheu otg gruppas, per part cun bien renum nazional. Il concert el liber vegn organisaus dall'Uniun Open Air Stussavgia

che consista per gronda part da giuventegna dalla vallada. Essend che las prognosas dall'aura ein bunas spetgan ils organisators rodund 800 visitaders e visitaders.

Bunas gruppas

L'avertura digl Open Air Stussavgia la sonda allas 16.00 fa Sonic Delusion. La gruppa dispona d'in grond repertori musical. Ei suonda Green Elephants, ina formaziun dalla Tumliasca. Aschia sa ella pli u meins vegnir taxada sco matadur local. Il festival vegn allura cuntinuau cun No Future, ina formaziun cun musicists

dalla Surselva. Il punct culminont dalla sonda notg ei The Rambling Wheels, ina gruppa dalla Svizra franzosa. Ils quater giuovens vegnan a procurar per buna atmosfera avon che la gruppa RED Shoes terminescha igl empren di digl open air. La dumengia ei entrada libra agl Open Air Stussavgia. L'entschatta fa Nautical North. Silsuenter suonda la gruppa Al Pride e la fin finala procura Miss Rabbit per la finiziun dil 15avel Open Air Stussavgia.

Ulteriuras informaziuns:
www.openair-safiental.ch

Musica rumantscha a Flem

■ (cp) Oz venderdi, ils 18 da fanadur 2014 ha i puspè num «Park Unplugged» en il pavigliun da Jugendstil da l'Hotel Waldhaus a Flem. Ensem cun «cultuRa+», il program da cultura da la Lia Rumantscha, preschenta la retscha da concerts «Park Unplugged» las duas bands rumantschas «Pascal Gamboni & Rees Coray» e «MarilliBus».

Per la segunda giada ha lieu la retscha da concerts «Park Unplugged» en il pavigliun da Jugendstil da l'Hotel Waldhaus a Flem. Ils sis concerts da stad preschentan buna musica da differents stils da la scena da musica grischuna. Il concert dad oz venderdi, ils 18 da fanadur cumenza cun «MarilliBus», il duo da chantadurs-chantauturs cun *Maria Molig* e *Roland Vögli*. Lur chanzuns melanconicas, originaras ed a medem temp sfranadas èn d'ina bellezza simpla e directa. Silsuenter maschaidan il chantautur *Pascal Gamboni* ed il bassist da jazz *Rees Coray* ideas localas e globalas, siemis e confess ad in sound unic.

reclama

